



**Radøy kommune**  
Austebygd skule og barnehage  
5939 Sletta

Sletta, november 2018

Info til heimane - 2018/2019

## Oversikt over aktivitetane på skulen dei siste vekene før jul.

### Adventssamlingar

Måndag 3/12 - 10/12 og 17/12 er det adventssamlingar for skulen og barnehagen kl.08.30 i gymsalen.

Den 10/12 er det barnehagen som har programmet på adventssamlinga.

Adventssamlingane varer i 20 - 30 minuttar.

Foreldre som har lyst å vera med her, er velkomne til det!



### Torsdag 6.desember

**Juleverkstad for 1.-7. årstrinn**, heile dagen.

Alle må ha med seg utstyr til baking (kjevle, utstikksformer, forkle og kakeboks eller pose til kakene sine)

I tillegg må elevane ha med seg pennal og matpakke. Dei treng ikkje ha med bøker.



Dersom det er foreldre som har høve til å vera med på juleverkstaden - heile dagen eller deler av dagen - er dette flott!  
*Skriv ei melding til kontaktlæraren, eller ring til skulen om du vil vera med på juleverkstaden.*

### Onsdag 19.desember

**Julegudsteneste i "Emigrantkyrkja" kl. 8.15** for Austebygd skule. Elevane møter i kyrkja til vanleg skuletid. Dei elevane som kjem til skulen med buss, tek skulebussen heilt inn til kyrkja denne dagen

*Barnehagen har sitt eige opplegg i kyrkja, måndag 3. desember.*



Foreldre som ønskjer å vera med på julegudstenesta er hjarteleg velkomne til det!



### **Torsdag 20.desember - dagtid**

Denne skuledagen *startar elevane i 7.klasse* på Samfunnshuset kl. 08.15.

**Dei andre elevane og lærarane reiser til Samfunnshuset kl. 10.00** til "generalprøve" på skulen sitt juleprogram.

Fint om foreldre til 7. klassingane, som til vanleg køyrer borna sine til skulen om morgonen, i staden køyrer dei til Samfunnshuset denne dagen ☺

**Ein lærar vil vera til stades på Samfunnshuset frå kl.08.00.**

Dei elevane som **ikkje** har høve til å bli køyrt til Samfunnshuset av foreldra om morgonen – vil personalet ta med seg dit i privatbilar.

Etter øvinga går/køyrer me tilbake til skulen.



### **Torsdag 20.desember - kveld**

**Juleavslutning** på "Samfunnshuset Skogen" om kvelden, **kl.18.00 - 20.00.**

Det vert sendt ut eige program om dette.

Elevane må møta litt før kl.18.00; sjå tidspunkt i invitasjonen de får seinare.

### **Fredag 21.desember**

Siste skuledag før skulane sin juleferie.

På Austebygd avsluttar me den siste skuledagen i desember med **JULEGRAUT**.

Me lagar til ei koseleg fellesstund i gymsalen med julegraut for alle små og store i barnehagen og på skulen.

Truleg kjem også nissen innom!



**OBS! Denne dagen har me kortare skuledag, og bussen hentar elevane ca. kl. 11.15**

### **SFO siste skuledagen før jul, fredag 21.desember.**

Dei elevane som går på SFO om fredagane, har tilbod om SFO frå skulen sluttar kl. 11.15 - og resten av dagen.

**Ber om at foreldra gjer avtale med SFO-personalet på førehand, dersom det ikkje er aktuelt med SFO den siste skuledagen før jul.**

Med venleg helsing

*Vigdís Villanger*  
rektor

